



Freitags, den 26<sup>ten</sup> März 1847,

mit

den vier Classen des hiesigen Gymnasiums

anzustellenden

# öffentlichen Prüfung

ladet durch dieses

## P R O G R A M M

hochachtungsvoll und ergebenst ein

der

Director und Professor

**C. H. Müller.**

Inhalt:

1. Emendationes Ovidianae. Von dem Director.
2. Schulnachrichten. Von Demselben.

Blankenburg,

gedruckt bei Wilhelm Kircher.

47

BRITISH, THE SOUTH AFRICAN

THE SOUTH AFRICAN

1900

THE SOUTH AFRICAN

THE SOUTH AFRICAN

THE SOUTH AFRICAN

THE SOUTH AFRICAN

THE SOUTH AFRICAN

THE SOUTH AFRICAN

THE SOUTH AFRICAN

THE SOUTH AFRICAN

THE SOUTH AFRICAN

THE SOUTH AFRICAN

THE SOUTH AFRICAN

## **Emendationes Ovidianae.**

---

Satis constat, non paucos Metamorphoseon Ovidii locos librariorum insciorum in libris describendis negligentia atque vehementissimo poetae explicandi, supplendi et emendandi studio ita corruptos esse, ut viri docti de restituenda eorum integritate desperent. Maxime dolendum est, Nicolaum Heinsium, qui in adornanda altera sua librorum Ovidianorum editione circiter centum et quinquaginta codicum lectiones sibi paraverat, munere suo non ea, qua debebat, diligentia, sed audaci et temeraria critica defunctum esse, praesertim cum optimi codices ab eo adhibiti in bibliothecis exteris serventur, ita ut editoribus in Germania degentibus non facile pateant. Qua de re queritur J. C. Jahn, doctissimus et sagacissimus librorum Ovidianorum editor in prooemio editioni suae criticae praemisso, (Lips. 1832.) eamque querelam repetit novissimus et de poeta optime meritus editor Vitus Loers. (Lips. 1843.) Neque ulli posteriorum editorum rara illa tam magnae et egregiae suppellectilis criticae in usum Ovidii adhibendae copia rursus facta est. Multi igitur loci meliorum codicum medela egent. Qua adhuc destituti vel novam interpretandi ra-

tionem vel conjecturarum opem requirunt. Jam cum Metamorphosium libros cum discipulis legens in nonnullos ejus generis locos incidissem, quos vel conjecturando vel aliter interpretando explanare studebam: hujus programmatis auctor usus sum occasione, de paucis iisque saepissime tractatis locis quid sentirem, judicio virorum doctorum proponendi, qui hanc scriptionem benevoli accipiant, memores dicti Horatiani: Si quid novisti rectius istis, candidus imperti: si non, his utere mecum.

**Ser. Blancoburgi Cal. Mart.**  
**MDCCCXLVII.**

.....

## Metamorphos. VI. 197—203.

»Fingite demi

*Huic aliquid populo natorum posse meorum,  
Non tamen ad numerum redigar spoliata duorum.  
Ile sacris, properate sacris, laurumque capillis  
Ponite. Deponunt et sacra infecta relinquunt,  
Quodque licet, tacito venerantur murmure numen.  
[Latonae. Turba quae quantum distat ab orba?]*

Sic locus Ovidianus in editionibus Jahnii et Loersii editus est. Cum uterque liber magnam criticam, quae ad versum *Latonae - orba* attinet, suppellectilem habeat, docti lectores illos libros evolvant, ne jam bis edita in his chartis repetantur. Jahn, quem Loers secutus est, versum *Latonae - orba* uncis inclusit spurium esse censens, cum libri in ejus lectione magnopere variant, totus versus sententiarum nexum mirifice turbet et in codicibus incertam sedem habeat. Sed virorum doctissimorum auctoritate non commoveor, ut iis assentiar. Nam omnes codices hunc versum exhibent, omnes vocab. *turba* agnoscunt, quamquam versus in codicibus incertam sedem habet. Accedit, quod v. 212 Latona dicit: *et me orbam dixit*, (Niobe) quae verba aliena et inepta essent, si versus *Latonae - orba* e textu, qui dicitur, tolleretur. Equidem non dubito, quin

versus sit genuinus, non autem post v. 202 ut in plurimis codicibus et editionibus Jahnii et Loersii, sed post versum 199 *Non duorum* sedem habeat ut in nonnullis codd. Atque in uno quidem Stroziano locum post v. 202 *quodque numen* obtinet, sed signo notatum est, eum post versum 199 esse collocandum. Etiam editores recentiores omnes fere cum Gronovio Observat. IV. 15 et Heinsio eum post v. 199 collocarunt. Versum illum censeo depravatum esse a librariis, qui sententia ejus non intellecta vario modo verba scripserint. Permagna est lectionum varietas, de qua conferatur editio Jahnii. Plurimi iique meliores codices exhibent: *Latonaē turba quae quantum distat ab orba*, nisi quod Parisiensis 2 post *turba* incidit, in aliis pro *turba* legitur *turbae*. Variis recentiorum editorum emendationibus, quae plurimae exstant, omisissis, ego jam pridem conjeci, Ovidium scripsisse:

*Non tamen ad numerum redigar spoliata duorum,  
Latonaē turbam. Quae quantum distat ab orba?*

Quam conjecturam etiam Withof (in libro: *Kritische Anmerkungen über Horaz* ic. III. p. 83), quod posthac ex Jahnii libro cognovi, proposuit. Ipsa illa scripturae (*turba et turbae*) varietas significat, vocabulum vel inscientia vel negligentia librariorum corruptum esse, quod facile fieri potuit, cum satis constet, in codd. et antiquissimis libris editis litteram *m* in fine verborum saepe omissam et lineola notatam esse. Conjecturam quam proposui recepta, sententiarum ordo non turbatur, *populo natorum meorum* opponitur *turba Latonaē*, atque insolentia, qua Niobe numerum duorum apposita Latonaē turba irridet, augetur; neque verba v. 212 *et me orbam dixit*, quidquam offensionis habent. Voc. *quae* non ad vocabulum *turbam*, sed ad ipsam *Latonaē* referendum est, at sententia nostro sermone interpretanda sit: Nehmet an, daß dieser Menge meiner Kinder etwas genommen werden könne, dennoch werde ich nicht, wenn auch beraubt, gebracht werden auf die Zahl von zweien, der Latonaē Schaar. Welcher großer Unterschied ist zwischen mir und einer Kinderlosen? *Quantum* igitur relationis tri pro *quantulum* positum est, ut saepe a scriptoribus usurpatur, ut in Cicero, Somn. Scip. VN. Vocabulo autem *turba* Ovidius Metamorph. l. 355 (*Terrarum nos duo turba*

sanus) eodem sensu de exiguo hominum numero usus est. — Si quaeris, quo modo factam sit, ut versus ille in multis codd. post v. 202 sedem habeat, librarium aliquem conjicio post voc. *numen*, quod explicare vellet, vocab. *Latoniae* scripsisse, et ea re posteriorem aliquem librarium somnicalosum esse inductum, ut versum illum *Latoniae-orba*, qui eodem vocab. *Latoniae* incipit, hic rescriberet. Ita sedes versus in codd. incerta facta esse videtur. — Lenzius vulgarem scripturam (*Latoniae turba quae quantum distat ab orba*) amplexus, ita explicavit: »quam parum distat Latona a turba orba i. e. a conjugibus prole carentibus.« Sed *orba turba* hoc sensu non Latine dici videtur, neque hac interpretatione ratio verborum v. 212 *et me orbam dixit*, est, habita.

Post versum *Latoniae-orba* editiones Vincentina, Coloniensis, Micyl-  
liana et Bersmanniana spurium habent versum: *Tantum animosa sui fu-  
riis agitata doloris*, quem praeterea nonnulli Naugerii libri et margo  
Basilienensis agnoscunt. In codice Sulmonensi 2 inverso ordine scriptum  
est: *Tantum animosa sui stimulis agitata doloris Latoniae*, quantum  
*turba distabat ab orba*; sed ad marginem prioris versus notatum est:  
*vacat*, quo significatum, versum in aliis deesse. Abest autem hic versus  
ab omnibus iisque optimis codicibus (cf. ed. Jahnii h. l.), itaque recte ab  
editoribus omissus est. Versimile est, librarium aliquem hunc versum  
a se ipso conglutinatum post versum *Latoniae-orba* in margine adscrip-  
sisse, ut saevitiam Latoniae reprehenderet, quae mox v. 206 *vobis ani-  
mosa creatis* dicitur, atque inepti versificatoris animo obversatos esse  
locos, quales sunt in Ciceronis orat. pro Roscio Amer. cap. 21 »sua quem-  
que fraus et suus terror maxime vexat, suum quemque scelus agitat amen-  
tiaque afficit,« et Virgil. Aen. III. 331. »Scelerum furis agitatus Orestes.«  
Etiam versus 206, quem libri vulgo sic exhibent:

*Ita sacris, properate sacris laurumque capillis* in codicibus non in-  
teger relictus est. Nam multi codices et editio princeps exhibent: *ite  
satis propere sacris*, e quibus nonnulli post *propere* distinguunt. Lips. 2:  
*ita satis propere satis*. Dresdensis: *ite satis propere laurum sacrisque  
capillis*. Berolinensis: *ite satis properate sacris* l. c. In Florentino et



Neapolitano pro *propere* videbatur *properate* fuisse, ut est in Medic. 4, uno Gron. et uno Voss. Unus Heinsian., Paris 1, 2 et edd. Venn., Ald., Arg., et Vinc.: *ite sacris propere sacris* L. c. In hac lectionum discrepantia difficile est dictu, quae genuina sit scriptura. Loers cum paucis codicibus vulgatam dedit: *Itē sacris, properate sacris* ic. Nonnulli editores ad conjecturas confugerunt, e quibus mihi maxime placet Jahnii: *ite sacris, propere ite sacris*, quod et ad librorum scripturam proxime accedit, et repetitio verbi *ite*, cum properandi notione conjuncti, vim orationis magis quam voc. *properate* auget. Persimilis est repetitio verbi *ite* apud Ovid. Metamorph. III. 562. »Ite citi-famulis hoc imperat (Pen-theus)-ite ducemque.« Sed adverbio *propere*, quod pedestris orationis colorem habet, praetulerim adjectivum *properae*, (scl. Thebaidēs cf. 163) quo poeta usus est etiam Metamorph. VII. 647. »Ecce venit Telamon properus,« ubi codex Sūlm. eandem scripturam *propere* exhibet. E scriptura *properae ite* facile variae lectiones *propere*, *properate*, *properete* oriri potuerunt negligentia librariorum, quorum nonnulli cum vim repetiti nominis *sacris* non animadvertissent, ineptum illud *satis* receperunt.

## Metamorphos. VI. 280 — 285.

Hi versus, de quibus, quod ad criticam supellectilem attinet, cf. edit. Jahn. et Loers., in multis codicibus et editione principe ita leguntur:

*Pascere, crudelis, nostro, Latona, dolore,*  
*Pascere, ait, satiaque meo tua pectora luctu,*  
*Corque ferum satia, dixit, per funera septem*  
*Dum pars nostra jacet et dum per funera septem*  
*Efferor: exsulta victrixque inimica triumphal*

Versus: *dum pars nostra jacet et dum per funera septem*, a multis codicibus et veteribus editionibus excepta principe omnibus abest, cumque ad sensum ineptus sit, cum ab aliis editoribus recentioribus tum a Jahnio et Loersio omissus est. Versus: *Corque ferum satia, dixit, per funera*

*septem* in Palatino I. omissus est, in Palat. 2 transverso calamo notatus et in Paris. 2 in margine tantum scriptus. Jahnii de loco nostro haec est sententia: »Apparet eum ab interpolatoribus vexatum esse, qui e gemino loco *Metamorph. IX. 176 sqq.* haec suis additamentis cumularunt. Praeter versum *dum pars nostra jacet* etc. etiam e versibus *Pascere, ait* etc. et *Corque ferum satia* etc. alteruter delendus est. Secundum codices ejiciendus versus *Corque ferum* etc., quod Heinsius et Schraderus suaserunt, quibus tamen obstat, quod verba *per funera septem* ad loci sententiam absolvendam necessaria esse videntur.« Loers autem utrumque versum censens esse Ovidianum annotavit: »versus *Corque ferum* etc. qui praeter quod codicum consensu confirmatur, mihi etiam ad sensum aptissimus esse videtur. Continet enim gradationem huic affectui satis aptam. Primum v. 280 dicit: *pascere-nostro-dolore*. Jam cum repetitione gravius illud exponit: *pascere, ait, satiaque meo tua pectora luctu*. Jam illa *satia tua pectora, ferum* ad augendum addens, repetit *corque ferum satia*. Atque ex eodem affectu repetitum est illud *dixit* pro *ait*. Verum quidem est, ita quinquies fere idem dici atque urgeri. At quoties Ovidius nimius est! cf. IX. 176. 177.« — Ego poetam ita scripsisse censeo:

*Pascere, crudelis, nostro, Latona, dolore,*

*Pascere, ait, satiaque meo tua pectora luctu —*

*Efferor-exsulta victrixque inimica triumphat!*

Versum igitur *Pascere ait*, etc., quem omnes codices tuentur, genuinum esse statuo, versum autem *Corque ferum* etc., nonnullorum codicum auctoritate suspectum, interpolatoribus originem debere. Quam sententiam praeter codicum indicium maxime ipsum orationis genus colorque commendare videtur. Nam versus *Pascere, ait* etc. Ovidiana venustate compositus gradationem animo Niobae vehementer commoto aptissimam continet, quod ad illud *pascere nostro dolore* cum repetitione hujus verbi accedit nova etque gravior notio *satiaque meo tua pectora luctu*. Versus autem *Corque ferum satia* dixit etc. hanc gradationem non adjuvat, quod neque notio *cor ferum*, quae jam in superiori voc. *crudelis* inest, neque repetitam voc. *satia* aliquid novi addit, atque illud *dixit* post *ait* frigidum

est. Nam verbum *dixit* nihil ad augendam ipsius orationis vim valet, sed interpositum est ad indicandam orationem, quae modo verbo *ait* indicata est. Versus *Corque ferum* etc. additamentum interpolatoris esse videtur, qui verbum *effero* explicatione egere opinabatur, quam verbis *per funera septem* expressit; jam ut haec verba in hexametri formam redigeret, ex libro IX. 168 illud *corque ferum satia* assumpsit et frigidum illud *dixit* ad versum absolvendum interposuit. Alius librarius, cui haec Ovidianis verbis versum explendi ratio displicebat, memor v. 192 (»uteri pars haec est septima nostra») margini adscripsisse videtur ineptum illam a se compositum hexametrum: *Dum pars nostra jacet et dum per funera septem*; qui in codices non paucos irrepsit. Sed illud *effero* (de mortuo dictum, qui ad sepulturam effertur, hinc pro *perii*. Loers) graviter summum dolorem exprimit reginae querentis, se miserrimam iacturae filiorum et luctui suo jam non superstitem fore. Gravitas exclamationis *effero*, quae cum interclusionis signis ponenda est, additamento illo *per funera septem* minuitur, omissis autem his verbis ipsa brevitate loquendi mirum in modum augetur. Ita etiam ipsa gradatio *pascere · satia · exsulta · triumpho*, versu *corque ferum* etc. omisso, gravius animum movet. — Neque cum Jahnio et aliis interpretibus contenderim, verba *per funera septem* ad loci sententiam absolvendam necessaria esse videri, cum solum verbum *effero* non modo de mortuis ad sepulturam efferendis a scriptoribus propriè dictum sit, sed etiam ut nostro loco sensu translato latiore *perendum* notionem exprimat, ut apud Liv. XXIII. 28. »Meo unius funere elata populi Romani esset respublica,« ut nostro sermone ju Grabe getragen werden, praesertim cum apud Ovidium modo de mortuis sermo fuerit. Si quis autem de hac significatione verbi *effero* nostro loco dubitet, nescio an verbum *effero*, cum verba *nostro dolore et meo luctu* praecedant, de animo dolore et luctu vehementer moto dictum sit, quam vim voc. *effero* etiam in aliis locis habet, ut Cic. Harusp. II. »Qui dolore me elatum etc. arbitrantur.« Hac verbi vi non perspecta, ejus explicandi causa interpolatores illius duo versus *Corque ferum* etc. et *Dum pars nostra* etc. addidisse videntur.

**Metamorphos. VII. 501 et 502.**

*Postquam congressu primo sua verba tulerunt  
Cecropidae, Cephalus peragit mandata rogatque.*

Ita Jahn hos versus e nonnullorum codicum auctoritate edidit. Loers scripturam longe plurimorum codicum et veterum editionum secutus:

*Postquam congressi primo sua verba tulerunt  
Cecropidae, Cephalus peragit mandata rogatque.*

De variis lectionibus cf. utraque editio. Omnes codices tuentur *Cecropidae*. Heinsius autem audaci mutatione nec satis perspicua edidit:

*Postquam congressus primi sua verba tulerunt,  
Cecropidum Cephalus etc.*

Quem secutus est Gierig in secunda ed. et annotavit: »sua verba, in ea re solennia. *Congressus* dixit pro congregientibus; *tulerunt* i. e. protulerunt.« Putat igitur verba *congressus primi* casu primo numeri pluralis posita esse. — Mihi ea ratio, qua Loers hos versus edidit et explicavit, probatur; sed post *tulerunt* interpungo, et *Cecropidae* censeo casu secundo positum esse pro *Aegei regis* (cf. 454) a Cecrope oriundi (ut Theseus VIII. 550 Cecropides nominatur), cum voc. *mandata* jungendum, praesertim cum nomen ejus, a quo mandata erant data, desideretur cf. VII. 491 »patriae mandata.« *Sua* verba opposita sunt *Cecropidae* mandatis. Sensum loci hunc esse statuo: Postquam Cephalus, Clytos et Butes (v. 500) cum Aeaco rege congressi primo *sua* verba, quae ipsi, suo nomine, habebant dicere, sc. salutem et similia, tulerunt, i. e. protulerunt (ut saepe usurpatur): Cephalus Aegei mandata peragit. Nostro sermone verto: Sobald sie zusammengekommen zuerst, was sie für sich selbst zu sagen hatten, vorgebracht haben, vollzieht C. die Aufträge des Cecropiden.

**Metamorphos. XIII. 332 et 333.**

*Tu tamen aggrediar mecumque reducere nitar,  
Utque tui mihi, sic fiat tibi copia nostri.*

Hi versus in oratione, quam Ulysses certamine de Achillis armis exorto habet, leguntur atque omnes editores vexarunt. Priusquam sententiam meam de corruptis versibus proponam, ex longa Jahnii annotatione critica (pag. 836 et 837) excerptenda videntur, quae ad criticam meam rationem intelligendam pertinent. De horum versuum ordine codices fluctuant, quorum alteri habent ordinem: *Te tamen* etc., *Utque tui* etc., alteri inverso ordine *Utque tui* etc., *Te tamen* etc. Versus *Te tamen* in nonnullis codicibus omissus atque in duobus tantum in margine a recentiore manu scriptus est. In Palatino l. inter lineas erat scriptum *Te tamen aggrediar*, reliquis verbis omissis. Versus *Utque tui* in uno Vatic. Ciofani codice deest. Pro verbis *mecumque reducere nitar* in Rhén. *mecum te ducere nitar*, in fragm. Boxb. et Jun. *castrisque reducere nitar*, in cod. Beram. *nec inultus forte relinquam*, in nonnullis codd. *longe formidine pulsa* (in uno: *versa*), in sex Heinsii codd. *sollerti pectore fidus*, in aliis aliter scriptum est. In altero versu pro vulgata lectione exhibent multi Heinsii codices et alii: *mihi sit fiat tibi*; Dresd. et Vrat: *mihi fit fiat tibi*; unus Bas.: *mihi sit sic sit tibi*; editio Ven.: *copia nostrum*. Versum *Utque tui* etc. Heinsius aut valde depravatum aut adulterinum esse putavit. Idem versus prioris verba *mecumque reducere nitar* ab Ovidio scripta esse negavit annotavitque: »Non dubito hunc et plures ab Ovidio versus relictos imperfectos, quos scoli postea suppleverint, ut et apud Virgilium frequenter est factum. Quid enim aliud sibi vult immensa lectionum discrepantia in posteriori hemistichio?« Heinsium Burmannus, Gierig, Mitscherlich, Baumgarten-Crusius et Bach secuti sunt. Gierig autem iudicat parum credibile esse, secundum Ovidii ingenium, tam verba quam sententias saepenumero temere profundens et cumulans, versus reliquisse imperfectos; potius censet posteriorem huius versus partem in antiquissimo codice, unde reliqui descripti sint, fuisse deletam, hinc librariorum, pro suo quemque ingenio, lacunam explesse. Ex his igitur supplementis, cum nesciamus, quid Ovidius scripserit, licere eligere, quod cuique lectori prae caeteris probetur. Jahn de duobus his versibus censet: »Non ita fluctuarent interpretum sententiae, si Heinsius nomina et lectiones

codicem suorum accuratius annotasset. Versus 332 *Tc tamen* etc. ad tantam loci sententiam explendam necessarius est; de versu 333 autem *Utque tui* etc., qui jejunus et ineptus est, judicium fluctuabit, donec compertum habebimus, num praeter codicem Vaticanum etiam alii quique boni codices eum omittant. Certe eum spurium esse admodum probabile est. Hanc sententiam Loers amplexus est adnotans: quod ad varietates versus *Utque tui* etc. attinet, hoc loco accidisse videtur, quod persaepe, ut una corruptela alias genuerit. — Jam proferam, quid ego de his duobus versibus sentiam. Ajax in oratione sua Ulyxi crimini verterat expositum in insula Lemno Philoctetam, qui nunc, ut memorant, silvestribus additus antris, saxa movent gemitu Laertiadaeque precaris, quae meruit, lib. XIII. 46. sqq. Jam Ulysses v. 313 sqq. consilium suum de Philocteta in insula exponendo et nunc cum Herculis sagittis Trojam ducendo defendit, contentis miseri execrationibus et minis (v. 328 sqq.):

*Sis licet infestus sociis regique mihiq,*

*Dure Philectote, licet exsecrere meumque*

*Devoveris sine fine caput, cupiasque dolenti*

*Me tibi forte dari nostrumque haurire cruorem:*

Tum sequuntur vexati illi duo versus *Tc tamen* et *Utque tui*, qui, quod ego videam, conflati esse videntur ex uno eoque ita restituendo:

*Te tamen aggrediar — sic fit tibi copia nostri —*

*Tamque tuis etc.,*

ita ut verba sic: *nostri* parenthesi ponantur. Ulysses, cui potissimum minus Philoctetam illum deducendi contigerat, se ad rem agendam paratum profitetur, glorians tantum abesse ut minas Philoctetae motuat, ut ipse eum aggredi (adire) atque ei (minato, sanguinem adversarii, cum in manus suas incidisset, se hausturum esse) copiam sui i. e. potestatem sui capiendi dare cogitet, neque dubitet, quin Philocteta et sagittis potiatur. Hac emendandi ratione neque verbis poetae vis infertur et sententia ordini rerum accommodatissima efficitur. Jam exponendum est, quo modo librarii ad duos ex uno versus faciendos et congerie illa interpretamentorum explendos pervenisse videantur. Librarius aliquis

nasutus, verba sic fit tibi copia nostrae explicatione egere ratus, in margine praescripsit verba: *utque tui mihi*, ut interpretationem exprimeret hanc; ego (Ulysses) te tamen aggrediar (conveniam) atque, cum congressi erimus, par occasio conditioque dabitur, ut et ego te et tu me potiri possis, sed tam certo confidam, me tunc victorem evasurum esse, quam Heleno potitus sum (v. 334 *Tamque tuis* etc.). Negligentia posterioris alicujus librarii insculi, qui hoc interpretamentum priorem esse versus partem opinabatur, id verbis Ovidianis: *sic fit tibi copia nostri*, ita praescripsit, ut ineptus existeret et Ovidiana venustate numerisque carens versus: *Utque tui mihi, sic fiat tibi copia nostri*. Jam fieri non potuit, quin, verbis *Te tamen aggrediar* posteriori hexametri parte destitutis, librarii ad diversissimas lacunae ingenio suo explendae rationes, quae supra commemoratae sunt, stimulerentur et provocarentur. Sic facile intelligitur, quo modo factum sit, ut in codicibus diversus versuum ordo et magna lectionum varietas et in posteriori hemistichio versus 332 et in media parte versus 333 reperiatur, versus 332 in nonnullis codicibus omissus, in duobus in margine a recentiore manu scriptus, in Palatino I. inter lineas sola verba *Te tamen aggrediar*, reliquis verbis omissis, scripta sint, versus autem 333 totus in uno Ciofani codice desit.

Caeterum veri simile est, Planudem, Graecum Metamorphoseon interpretem, in hoc loco interpretando (Graeca verba, hic omissa, lectores docti in ed. Jahn. legant) similem expressisse locum Ovidianum Metamorph. XIII. 863 »modo copia detur, Sentiet esse mihi tanto pro corpore vires. Sed errat interpres, cum nostro loco Ulysses non corporis viribus, sed ingenio et prudentia sua fretus gloriatur: »Te tamen aggrediar — sic fit tibi copia nostri — Tamque tuis potiar etc.



